

朱
太
復
乙
集

朱太復乙集卷

書

丙申又三首

復黃蔡陽座師

入朝適逢艱難上不忍負

主下不忍負先生揮涕狂言幾受虎啞天地大仁
賜七尺還空谷長春入道五年矣昔人尚遺榮棄
官求長生

主上願寬放之出雉下樊曳龜于塗適得本性抑
道與貌天與緣弟子欣然幸矣為孺子病避暑白
河九月盡到茗守 嚴命為庶家于田間敝廬在
市不敢入公府枉綏招飲引義固謝誠不忍以一
犯

主怒自悻悻為名抗

天威以陵人竊以為不厚無上非是小園在玉湖
東餘不溪上山水勝會四隣漁父鼓枻自歌不見
問三問此致計靈均未識也新歸稍理靜業未及

東謁侍誨辱師臺遠問索居感泣先肅附謝未盡
東言

復少司馬許敬庵先生書

東報亟時都人士盡憂銅鉞狂生實灑血欲赴死
忍言退樂葺美乎有氣無術言出被放自恨不致
轉園罪鉅宜承空谷衡門歸老甘心矣餘息無恙
每念天地思乃七尺愧負曹御史耳門下大儒稱
賢于進不使天下長者短氣掩鼻乎皇恐皇恐民
徃領衛生教稱止止道人五年方之內萬物土直

身未得乙集書卷之二十九
二
損之又損服膺庶幾遇之近屏城南溪間農漁昵
狎相與熙熙鶉居雀躍至實在我天下何思何慮
乎門下言處處完性命出樹經濟民以性命一也當
出未嘗不處處又安所營出收神歸一役役為勞
有之似未如其忘之也乾象不息道經若存故未
易幾要志如而已顯隱山河隔絕何日執拂請證
企甚企甚大疏格心至言小夫負氣者愧此曉人
矣敬謝遠教不盡稟言

復守道叅知張鳳梧公書

藜藿村臯自來不睹官府威儀忽枉干旄鷄犬盡
驚當時問靈均澤畔獨漁父耳安得今日民遇此
隆接乎欣媿欣媿賢非夷門何策仰答信陵或刻
頸片氣千年猶在也授餐道故生平所歡唯是銅
鉞赤丸之憂含哺相向而涕更無能起壽膝席作
一溫語慰藉矣三讀大草乃識代間正氣未銷忠
賢不乏仰天叩首為國私慶張公回天意再睹
今日乎謀野無能代斷可恥抑難虛詢荒雅意妄
加增定別錄一本并原草上裁未敢謂潤色允當

顏加斟酌鄉望沈觀願中丞道素澹然出足濟世
居堪乾俗書院延師齒德允宜謹薦

丁酉計九卷

荅茅薦鄉書

讀東檄泣十日矣 中朝猶自晏然無一開口借
劍政鑒吾等覆車耳士氣頽至此世當奈何澤中
揭鋤一呼鼎沸六合足下無狎小此夷方內臣武
人乘傳橫擾天下此日一動亂人易耳僕前疏固
云元海窺于外勝覺起于中當作何銷之梅福張

原缺

政合卜居水四周客非船不至不謝轉少鄰叟樸
野山川清曠盡合道心道民闔門料理眠食天遊
晏然日損日進不浚知歲安復知世近結一道舍
臨清池種蓮花周繞竹木菓藥半畝之內致足樂
也無用念念無須桃源枯寂豪華總為客寄耳
之初謂何如何時相思一乘船載酒乎騎驢後中
事紛紛到此此日出處固自不靖恐復無暇外憂
采山乃至吾鄉此中故潢池再弄矣旦夕反側非
復震鄰隱人無江湖念一丘壑不保當如婦子何

鹿門吳門更在何地此亦至憂

謝旁縣侯書

旁邑山民竊聞君侯高義有年民無似漫遊垂老
矣高山之思得結於四方賢豪豈以當吾地而失
之往者疾病三歲枕席門外之交如埽以今乃棄
為庶居田中荷鋤持竿周還有情仰與冠帶之倫
絕矣泥泥落落箕兩不敢賦土室自閉猶憂不免焉
曾敢因罪為狂翺翔鞅鞅居為名非此日憤言之
初心違昔賢忠諫之靖共乎乃遽以為君侯憂損

奉遺書遠使而問諸野君侯引節誠至高非民之
可承也昔者文侯誼主既于辟廬王和賢令陶公
匿跡說者謂二子之峻也殆甚適以增兩主之高
要其孤品介操耿耿不可及也而民碌碌風波望
寔無企二三敢作厲物慢上而絕于賢者乎謀命
引咎適會止何耳飢渴私誠恨阻仰達坐而領賜
益愧本志蓋聞曾子嚴溝壑之汗閔氏違口腹之
累此皆為不知已設耳非所論于同方之交緇衣
之遇也然而民赧然不敢拜者何也草莽不倫於

幣聘之士也竄流不可以罪而受貶也不相見而
食于諸侯羞也杜門廢禮而饕餮陋也自還澤畔
半歲內至宗黨外為公府執此磴磴以冒抗命之
罪久矣雖脚知已于君侯佩之心耳敢及物乎民
狙性不便于衣冠駕病不勝于服駕一行戴罪長
隱老矣門下必欲祓而用之是好馬者買及死骨
也骨已死矣誣駁為駿世莫能辨人耳舍氣未絕
底裏立見試而不中豈獨為此牡之累哉虛竊狂
名徒抱熱血投世不諧救時無策仰首 國步唯

有浩歎其在周行二三賢傑圖之民身故矣幾垣
矣何力之與焉家素無業喪難速貧韓長孺不通
武安死灰終不復然世態茫茫今古不應殊民好
道達命飲犢自保上勲縣注有感而已升沉遼絕
徽席何由臨書哽塞

復黃葵陽座師書

桑梓相連羨塙在望緣耽道悅虛室止止復厭觀
遊天下猶是蓋勲在歸求遂疏濶函丈耳里居之
後並無外交杜門蒿塞烏雀為隣春方入關習尸

居斷勅家人塊然形立使至隔扉上詢知吾師亦
初屬出定未審圓覺然同飯何宗指要亦究竟真
常道一而已南禁西謁有期謹當獻義上印發覆
至欣至望一行入山久謝操筆師命嚴重兼以東
烽未息故痛隱然永棄湘纍難忘宗國此屬道心
正性無可遣理領示輜軒集志披攬土疆愍亂震
鄰不自知淚灑三韓也寬假涉旬草創呈削唯所
財之民自歸田戴罪伏莽絕通官府亦樂靜偷閒
性則有癖謹復明問要積心可剖會無路亦愧恨

莫喻

謝廣德太守段猷顯書

明公治郡與茗分國而次又諸生李熙載社友也
往來聯席談許得聞次公穎川異政如遊黃龍神
爵間偶因命筆僭附鋪張非如孟堅東觀業澤為
循吏不朽也奚詎當大賢齒頰謝哉皇恐皇恐數
年當期平生一名馬登躡天目敬亭因從明公執
鞭資扉履善病習靜足稀門外至今為廢人分錮
巖石老耳遠遊投謁交公府干士大夫非折巾方

烏逸民之務也三歲傾渴徒成夢寐民自放還引
罪屏跡地方君侯名希不敢通賜遺不敢拜守固
陋奉民禮塊然一年矣明公辱况出於四方知已
臭味之及敢不下拜然民老無用生性窳懶既居
田野怡然小人之事雜治保庸耕作鄰里農父漁
者外非吾友也曩時指天畫地慷慨片氣今白室
銷盡唯識啖飯安枕兵報日至掩楮不忍視即書
淫吟癖故天性也日損至無几案鼠汗書牘蟬赦
晝夜兀坐而機發于踵休休自樂耳如此人豈復

辨作分外而明公尚欲引之古寘於何地乎皇恐
皇恐代間三不朽望於大賢努力近濟世艱遠振
古業山中桂樹叢生不蔽芳問之入也引首佇之
佳篇真氣讀未竟已對大曆人物新聲溺耳荒塗
千古名賢有意振之文未喪也一尊細論是在何
日可任怙悵

寄大臚張鳳梧公書

民無龍德高隱悞辱明公葉公之好不敢自附蘭
臭然羨嚮鄙思日進有之當朝車北征民方病瘡

不能強起拜于郊外又不能裁數行上陳入秋遠
遊久踈候問頃州貳守潘公民姑夫也以事還里
仰詢道履知在吉祥方天下脊脊老成舊德半遺
空谷屈指如明公晨星無幾幸唯飽飯自愛汲孺
寢謀四海望之矣家姑夫逸才醇度井潔不食而
晚就貲郎願其志有卓然者欣托宇下鑒拔湔祓
自明公士元之好且其邁種幹盡明臺淥之按部
必真民亦拙夫無能曲為說有然也信便附寄疏
麻縣計名德徵遷菰蘆隱者何如行披青天流涕

流瀑

邀馬長平書

發之初荅書聞長平自洛中至喜躍欲狂作此二
千里度江勝遊自是度外人風流吳越歷幾處矣
探名山應燕訪名士長春稱羽客逃名難比之初
稽已相思不在之初下吳興佳山水昔人所賞卜
屋蓋為吾有就李平土耳之初此不及吾足下寧
無意乎願渚茶初摘是御品棲賢笋如白雪天下
所無峴山溪中槎頭大如笠無減襄陽三白名酒

里中獨有烏氏程氏遺法富人釀者甲三吳色味
如清泉道民有數姻家家可乞一甕方在春暮桃
花正開夾映山水間與足下乘一盤載酒兩頭隨
波泛泛觀游士女謔歌此供給自不薄此樂亦中
土人士所未覩也調飢日久同病相憐只尺間何
忍棄作河山想應念之世中政以獨清獨醒置吾
等滄浪間無相負此遊余

送吳允兆書

去歲國難與足下倉皇出門今難渡亟矣子行

我留昔人一西向嘆今有北向泣耳道人無用費
宦亦無心功名然被 朝廷章服十五年矣今受
天子餘生又二年未已豈得與林栖草笠之夫優
游安卧待清心知無用蒿目不免所受天地正性
安能奄奄作白日鬼乎追憶長安舍中杯酒對泣
輒令腸結足下逸民也冠帶之士彼獨何心足下
行必為世用吾無助足下昨坐有客執手語殊倉
率要亞夫留侯兩言可味也足下身在局外政可
相機擇人隆中出處便隻千古慎之勉之太平有

望山中人安啖胡麻飯是公等豪傑之賜也意足
下或當歌出塞塞上苦寒道民有紫貂帽尚新好
奉敵胡風道單衣過大雪此物政無用莫令擲還
欲作流血歌送別北方靜關嗣音相寄耳為致孝
若豪俠少年儉穰中善自愛

答吳翁升

昔好雕蟲垂二十餘年剗心殺神垂死反而求之
希夷進乎技矣故業久入塞馬足下猶索之唐肆
耶山林之中不知日月世界金穴丹洞何謂當其

時者為是往狂言亦復候蟲鳴耳寒生則蟄適去
順也何緣復有蒼生想耶足下念似未識吾意且
養壽命者于無何之鄉日習枯槁玄虛不能復用
膠轕人間老矣半生雄心逸氣銷落且盡立功已
爾立言可知八斗詞名不易吾一黍金丹也足下
謂何往燕聞州里風流知天目下有二翁時孝若
允兆數數道聯手將過吾菰蘆間翁晉來不見小
陸令人悵然忽奉惠書喜如空谷風騷感槩又何
翩翩也已得道存何用目擊乎道人未得陵虛且

沮遠遊足下往來郡城可無意南湖山水乎扁舟
如問漁父能歌滄浪相候

戊戌 詩二首

荅茅孝若脩禊社約書

脩禊偶一言致足下作如許多事奈何登臨賞集
逐興而起政使王謝當年不至膠膠擾擾作軍政
三五申也足下昨言攢眉客僕今已為戴髮僧三
讀社約殊多不堪道人學丹行功早晚不休而此
會輒流連三日山林臯壤非吾真樂乃喪至寶一

不堪也吟魔謝遣已三歲興寄所會偶發如蟬鳴
有耳而約三罰四限體限數限時僕非受罰人而
勉其神所不喜則焚和傷性道家所禁二不堪也
久厭豪華惡聽絲管諱臨妓席至如名山靈地尤
為點穢約中仍不撤禁終非雅集而羽衣竹冠坐
臨其間可遺世嘆三不堪也方外散誕獨往獨來
或閉關採藥行住無常什六在外嚴律科條復在
世法刻期限日罰格不赴反以燕游為朝參雅集
為徵會山林為公府耳四不堪也詞人入地不同

造境各異譬如僕好古直道繩人往往開怨府約
中擅場評品諸君推不及我則不忍無言及我不
易有言隱人方士毀譽善惡都付溟泮輒復緣小
技破傷齊物世人呼我發狂在乎五不堪也人論僕
交寡僕自論道廣道人于物無不可不可約中踽踽
擯人人何堪當假如外人反案之某時繆耳某通
隱耳未咏弗諼何能絕跡是樹敵以蔓謗也道貴
神交俗多皮相意有所合或時緩頰犯禁六不堪
也鷄壇牛耳素所不欲道人昨言社是方外蕭散

往來設為齊盟非人人申其說剖心相照不可
今所集雖多勝流品執採萃未究裏實久要多變
曷若慎初濤康或至絕交稽呂不無相累此友道
殷鑒僕有慮之七不堪也道人首髮已白腹丹漸
黃棄門斷家事入玄栖世中寥然一無好矣吾有
吾寶吾行吾志耳鳥不厭高魚不厭深安能重向
人間流連光景嘯傲詩酒隨逐行隊稟受約束從
諸公名流賢豪伏此奢遮驚耀人耳目乎名者造
物之忌才者世俗之妬妬傷吾外忌傷吾內養生

家所畏也僕往時二十年淫書耽詩惜足下晚不
值今已老矣為謝足下容道人山中草服作社外
遊客可耳請弗入名字請弗受盟約必欲相強且
為漁舟桃源行矣道業甚大吾神甚尊詞名蒙舉
甚細甚俗道人定不以彼易此足下謂此比妻子
恩愛何如耶昔嘉賓能為人治隱具足下豈不能
作道護忍使相妨拜詩大勝還家作幸甚幸甚嘆
商山良得道心然淚枯虛語耳

答吳允兆長安寄書

悠悠不知都言允兆失所為主尚未敢然道貴相
濟事或行權蓋公以清靜導曹相嘉賓用權術佐
宣武此是以水濟水而不為用今足下或用之用
必扼其領人貴善其尾吾方冀望允兆未即任知
不知也足下自愛無問世人足下入長安別我詩
云不如為國殤今長鯨甚惡足下何無言近聞張
相主收草澤異才江以南無如足下頭種種矣鷹
揚及時丈夫努力取功名不在空議論也道民既
違世用自命無復世念舍西隔溪臨碧湖結一玄

栖棄門索居勝寄好佳恬遊德園日長如年託此
老矣胡麻菰米大饒善不復思食太倉粒也足也
勿復念我已作敝屣妻子人望在松桂何言竹帛
乎昨孝若北歸遺書道長安要人口報云人皆徒
與也師受牛馬道何辭黨交態有知者盜嫂不復
辨并告允兆同悉此意

己亥計五首

報茅孝若書

春見允文用晦言孝若盛集脩禊方繪湖山十子

園僕曰此事差當虎溪諸賢不減宗雷直少陶謝
游客點綴耳用晦曰太復宗門似遠公昨年故乃
辭社見諸君議當暫邀以方內為主方外為客別
番古人一案故是新竒僕曰道民昨固言黃冠竹
杖往來社中或可也造物見拘故在廢足神往
形留勝事無助天妬湖山耶妬群賢耶抑為群賢
擯秦也卧牀三歎曲水一歲一集玄栖滌攬無日
無佳足下輩宜惠然道家貯天酒相待相對盡醉
嘯歌不比匡廬老衲強顏開禁亦有意乎願因足

下遍謝群賢教詩甚善僕道損才盡罷此業矣抑
方今務華溺聲上墮江東雲霧而下乃波中晚濫
也澤麋蒙虎人爭走之市駿好龍獨覺心苦足下
英氣朗節又在妙齡自欲救俗甚幸幸可一徃勉
至王豈稱伯哉古道望之諸君矣何日相對一談
老馬病久久關報存遣往為好愧非瑤玖道人瘡
痂脫即不啜糜飯草本松葉是吾糧也諸賢有過
存即先示可市米乞火不然竈常冷耳

送黃貞父進賢明府之官書

雖知使星八里道棄妻子玄栖兩年矣有足如兀
無杖可騎何從叙濠上問對竿牘之脩有和無倡
非曰忘故勉為道耳昨足下寄音乃薦卿使悞投
君采許轉到元夕三日矣今日薦卿過言足下官
舟已發所問前事方在拘拘不能成一書然與薦
卿議治政如推車耳每過易轍俗異宜異時異神
而明之存乎足下為圖驥相告是拘儒也如僕初
治舒以舒政行千乘不得什二身一不能守而能
推之人乎僕為賢者慮唯三言才高者喜事性潔

者格物名盛者厭人道之忌而世之所推也天下
唯人不可陵唯人不易調唯人不可不與吾不能
與人而為人與我何貴賢矣足下賢者賢去自賢
幸善留意上善若水水善利萬物而不爭有旨哉
僕貧無羸一贈行亦雅知賢者不取所有章服昔
入都製之今屈子集芟不宜莊周補布亦不宜也
與蟬救于在筍無寧朋友共之敬送一襲足下如
曰與子同袍被之則唯愛必其曰衣不如新念之
亦唯意唯足下度中戀戀何如耳仰切仰切

寄臧用甫金谿明府書

橫城賦號難理近見士大夫官遊者時頌亟稱之
乃昔為名相所羨或為其狎服馴而便宜究化易
鄉耶足下鳴琴期月報政何若今至卑秩苦劇
也用甫才具綽深更歷久矣好自愛善為之喜事
不如省事不辜寧失不經此在才人時當自束善
奏刀者必禁多割抑天道陰福實在於此者春居縣
四年廩廩未嘗缺殺一人解脫死囚世成二三十

口徃祭已歲海上病還垂盡死矣且夢大士呼而
曰女今甲當死以有陰行上帝貫女不死矣甚矣
人貴陰德此言願述以勸天下令君為銘座右勝
讀太史公酷吏傳十行也足下長者家居以寬靜
稱何難百里此語自足下度中道人一身隱山谷
善心無所效見勉告良友一存吾言即吾德耳道
人靜業如常獨加辟穀垂百日小癯矣神理不減
飄飄如獨鶴林中故人無念家李已致尊旨并復
貧靜大熱不多具

上座師張理吾先生四明太守書

海客過江都譚循政卓絕龔黃名下不虛救時有
望弟子深慶深慶弟子七年為道四年辟寒今一
月餘辟穀矣膚革日柔神日善早夜虫虫天遊道
悅遂成烟霞之癖不復知家安有人間一丘玄栖
兩歲裘足以故四明在望五馬長違罪坐此耳日
下既免爨火空身飄飄便擬單衣一杖童子攜瓢
遍歷名山以秋風入天台為首路此行重趼謁師
實注風懷直恐黃冠芒屨非所以躡黃堂之庭先

生有假威重存舊門牆別行方外許以羽服請見
國門之郊數里乎弟子始敢上通不者唯有望洋
一拜耳春首遠使隨例上報無馳寸草會陸廣文
之官下部敬附嗣音仰候退食陸君太宰族浚方
伯南洋先生冢子往曰師臺官若猶為諸生必所
知名者夙儒駿才高門名德泣玉不割淹屈一種
每飯未忘鉅鹿也以先生士元拔十之好得為荀
令一御之榮蓋有天幸神遇弟子昨云以酒投醪
味在必合先生寧無以首席處之乎追風之步策

以王良路人皆知為上襄千里則廣文之幸弟子
亦與之誰謂江遠引領依依恍焉在墻懸企無任

報門生王木仲家植孝廉

舊字以建

馬吏部昨春遺東書攬知以建果魁齊魯召友人
言夙昔舉一觴樂之訾黃躡景見者都知千里道
民望景獨早耳不當伯樂也書郵至審具動靜故
人心尚企三咏遙欣宛談几席道民興居平平都
無可言放後三年不入市不涉交往前年閉關昨
歲棄家度脩谷神逍遙山水林竹之間業頗成矣

單衣禦寒已歷四冬今春忽發瘍四大如廢百日
痂脫而且辟穀矣松葉一握胡麻三合晨起一服
便過終日此外了無噉噉道人如此于世又何求
何恃哉已試兩決旬矣需久竟得斷粒自是天地
中無絆散人將以一瓢一杖徧遊名山窮披形骸
兼覓濟度或東到岱嶽訪六著對博當使一青鳥
約以建共談石閣下得無欲下風問乎幸俟勿謂
狂言澤畔吟自非山中心事謝無念今日鯨波外
恬靈賊內作四海騷沸如被干戈范文子外寧之

憂不遠旦夕以建素負東方豪傑練要自愛他日
一出和濟吉甫方叔之業行當任之耳咎禹戮力
于堯世姑射洵約于神山此非天地大幸乎不佞
雖雲霞之間亦自憂爐鼎矣遊方內外各勉努力
道遠悠悠心藏奈何使迫不多述新刻并寄齋頭
春茗聊將南味

朱太復乙集卷之二十九終

朱太復乙集

書卷之二十九

廿一

朱太復乙集卷之三

五湖朱長春太復著

書

庚子十六首

致海州尉潘姑夫玄石翁書

天道無知威毒善人庭樹早彫堂萱隨落三月之內素冠入哭兩帷眼昔為之四裂肺腑之痛如此姑翁骨肉之戚可知也緬想吾翁刻意砥節五十年績學奇負不一試輒壞百憂既備嘗矣謂長發

嘉胤稍坐享垂年之樂大弟材質楚秀落落如巖
松居平几席談讌不減潘阮風流何辜於天何罪
于人而一朝暴折天札至此非徒有凶誰能無恨
哉長淒長涕事已如此命也如何今日大人當百
倍忍情願後無為毀性悼往卜子喪明莊生鼓盆
二者酌其中焉世業既和門風未謝諸孫外角提
孩拮据羽翼此日此鉅擔我大人一人實肩之詎
便有弛期春愚無識不習世佞妄謂臺下宦遊徒
自苦耳政成牒移後世償榮名無負便可抽簪割

網歸老菟園以杯酒優游課孫保世樂長生此上
榮也豈其食魚必河之魴乎唯達人圖計之長春
道力日益辟穀一年矣逍遙獨往獨來覺如此寄
天地間無所不可大人歸空谷有意願坐進代鐸
遠念旅况不佳謹遣興居附上區區積意海鶴在
山未能騎下官署候主人但懸懸耳

復同年沈仲禎青浦侯書

兩年入室絕逢迎當明府之鳧東關無一通莫送
故人三歲不面悵恨憧憧耳比出山見親知與還

往吳門所在賓客稱青浦侯不絕口每談道人輒
鼓掌以和故自知仲禎奇絕當蒿目營四海而詘
此荆棘如牛鼎淪鷄士元非百里才也然士者窮
經經世願其展有効取滿志不負耳何庸問階階
亦何嘗限士士自限亦往日嘗舉海大夫贈足下
行方今域中沸湯志士都歌卷伯物極必反足下
姑以數載優游鳴堂琴異時一起鳴仗馬揀天下
遺黎亦平生壯心自快乎自唐韓侍郎到仲禎為
三賢企之望之矣三江間薦紳之客多豪俠其俗

難革善治者因而調之下乃與之爭維桑之恭白
長者昔年津稱字惡賓足明苦心厚躬護人形
心和故當妙用神明之手澗而不緇賢者無慮
承起居道人玉辟寒暑故人所知一年辟穀未知
也故吾以忘形神逍遙聊自藉手報七年苦行兒
頗能讀父書除夜前三日復舉一雄乃完吾人道
債矣將且候北冥釣東海望三山以賦遊仙百瀆
潮門即近有使君在渡且當避影耶道人四大疏
布一室黃茆佳貺侈無所用拜存宿昔內慙遺行

朱大猷乙集 書卷之三

上太守陳知宇公書

竊斥遺民匿景巖谷不敢一聞名奏記公府久為
臺下化外罪人矣何可復啜口干澤今日臺下張
羅延俊公典也又無可言私願如三五子弟希進
大銳望恩不量日夜數數引諸冠帶舊事責民以
故吾強民以從衆謂寧為親受惡何忍滅倫要名
與妄言而臺下不聽猶俞不言而坐失時也未敢
忘情聞此不任悽然伏計生儒三年斫首一朝

竊道民與有罪業而臺下薪樵盛意萬一推心有
所垂矜乎則民嘗從士後未必獨苛怒曠絕斥之
格外也謹冒昧疏名上封候命或賜甄品併錄可
造天地之造也民未敢必為父兄家長不能居恒
督訓而代私請覬倖為民不能奉憲倡衆而碌碌
徇俗亂法民實大罪愧古人多矣

上復座師張慎吾先生大祭書

弟子違師十二年不奉起居亦垂十年生我既逝
成我何人有白敢忘殆非人氣今者天幸開府吾

越數百里近不送几杖而夫子既臨之又遣存之
在三之謂何借百口不足解剖寸心不足明矣拜
發手翰額天投地歎已繼泣然弟子出世餘生耳
往病海上逃于九死遂懺盡人間習黃老衛生之
經幸而卻疾制魔留形延息又以狂被放還山無
事因屏跡謝家卒業入室主與之間天相其能辟
寒六年辟暑四年辟穀二年餘矣形疲極而復存
膚剝盡而再腴妻妻子女生活一棄不問而門外
斷絕開罪往往是一郡盡嘆為顛弟子亦以枯木

寒灰塵寄喘呼日月之下此于蟻螻蟚蛄止耳此
者乃一瓢一囊汗漫放浪山水之間不寒不饑天
遊無之不可此皆人力不至天之不可期者也幸
以息功了手稍稍重理人間玩世住形遊戲三昧
試之無恙而後敢遠走今來西湖望錢塘洋洋涉
江有日矣而兒女患痘蒼頭追還弟子身一無累
世一無求五嶽四海何非吾家而跼地縛足在此
獨為二弱息耳生何從來未忍絕所空之種故一
聞奔還骨肉切心聖人無情未易言也謹拜使屬

辭謝命陳罪略述所以以祈在宥大惠頌自夫子
敢同世交復作磴磴益罪愈疏稽首拜襲為弟子
山行買藥足過三月耳領示鬢髮已宣非十年前
形容不覺刺心由杜得老人故獨難逃耳一生受
師恩無報今欲以此道坐進當拱壁夫子有意乎
天下固安得仙人上古聖賢皆長生有道者不獨
始老莊理甚情信弟子無他異三年短髮愈長今
年落齒更生矣夫子無意乎一點為庶久賦無衣
夫子肯以世外禮見不遠月日願野服候于嚴陵

之下入舟急遽不暇百一皇恐皇恐

答臧原勤老丈餉酒果書

常念老翁山中居甚樂也未得筇杖屨索酒石門
花竹之間乃下遠臨耶松花休糧人常飯含桃日
可千餘顆不須柘漿絕無內熱比來二物外了無
噉噉夜開雪酒陳菓令九歲大兒緩酌拜膝下小
兒抱中奉觴勸醉陶然小卧起歌八公芳草西望
山中人恍忽驅淮南難下雲間遙對大樂也人生
行樂耳富貴何有哉三十年来親知都老矣久詢

老翁頭頰盡白已斷家絕慾政可煙霞菰蘆間兩
人作好往還成一段閒綠昨兩履偶出後者山中
白鹿不至則湖上青雀一往可到山有弋川有釣
山有蕨筍川有菰蓴不用攜錢入市不用割烹不
用開席至即埽地倒屣抱尊而飲飲已便卧不問
客主興已便反此吾輩方外飲人老景風流也翁
肯如約乎晚矣何能逸世中亦復何須世中轉恐
世中人羨我等曰求閒不得耳道自却飢寒外髮
長齒生衛生之經人人可習老翁能常往還安知

白頭不復作紅顏

卷身憲李本寧使君書

道民長春三十而宦好為文辭四十入道矣復狂
彊諫當是時意有所憤才鬼俠癖偵無守而役吾
蚩蚩耳寧望古賢于今域中大豪長者曾何當陪
一馬筵之廝哉幸

主上放棄還山了道固無他異且五辟寒暑再歲
辟穀獨往獨來脩然寄世上蟬蛸耳田觀故吾大
夢大覺明公所言叔玄所陳皆謬技道民五將晉之

時且然亡實猶未知春於執爨食豕之後也慙愧
慙愧明公知文亮節注心執鞭三十年雖在出世
伏郊削壘于道有之獨計營壘不借望憲節於會
城于吾法無例而開世法之討明公內召須耳境
外江海之上烟霞無禁終不令此生悠悠一不望
龍門也道民辭公府賜已六年以明公別有惠教
又索之刑外敢拜雅辱永存知己故業有刻附塵
清攬总总諸未及布負罪負罪江南卑濕多瘧道
體善自愛

辛丑 三首

答門生李明府

書

結夏西湖大石頭
遲徐岩房雲中三鳥不下得天
上雙魚鱗之間我離騷人飲蘭餐菊枯槁憔悴
道人茹芝拒耳不飲青精自好容顏山中澤畔大
自河漢耶仙令政美兩邑種花甚嘉不知成蹊比
義棗梓間吾樹木何多今漁父舟止入武陵不能
入河朔相看也注注吾昔有狂心如赤丹已盡付
鼎中煉成白雪在易之三爻耳革不食矣玉鉉金

朱木後乙集書卷之三

八

光緒三十三年

銜回應寄良友為中興和羹今日百里且須善藏
聖咲割鷄理固非戲故恐新發硎而人惡其鋒或
至朱穆干將之誠乎足下薦誠有長者風循此不
難也損料太修道卒歲無衣食妻妾子女自足負
郭百畝成都八百株領此化九液又財須刀圭會
西湖中元開之司成長孺吏部迎西來于闐二師
施孟蘭嚙口大齋遂付作十斛飯為令君廣福亦
廣邑厲仁政耶地下三塗八難億萬口能使君不
既多地上八口耶僕兩淅于大兒七歲請書日四

十行小兒目如長康用張舍藏豈吾腹中玄珠化
在掌中耶人見者稱曰佛子道種吾今人用畢矣
斷房周年矣前五年辟寒三辟暑再辟穀不久當
為姑射處子不直畏壘大人也足下名遂下風問
于何所

答同年沈仲禎青浦明府書

道弟遊則汗漫居則忘機仙鳧往還朝天野雀翔
戲雲中竟不知也別遂五霜矣念懷可言足下牛
刀不謝丁技蠟邑亦大費剗割戴星歲久善刀無

損無乃損頭鬢耶道辟穀垂三年更生更黑果有
之恬快之遊無日不愉以方君侯自利利人兩得
相當不乎兄弟婚姻詩人所詠道播臣遺民拙能
貧紫明府擇對拂棄三揖萬石隆隆之高門而下
問名故人高義自在道何與而來書常用縷縷
非所期臭蘭之言也良愧良媿五斗署月計餘幾
何可時時分料錢存故耶每浪遊三江間答使君
三異吳士多能津津此無負平生雅許然間有口
君侯神明曰伶俐人也吾師云大巧若拙明道若

珠其精以治身緒以治國欲以吾胸補君之明可
留意乎

上王別駕府君訟犯奴書

民魯人也樸無他腸所以狀送二犯僕者固以上
信臺法實以下惜名檢欲借臺重以懲羨補牢為
浚保節意至迫耳荷辱仁臺謙讓至德卻還不理
民驚汗背不知罪所出若以未同之言不自奔懇
民實有負然而實非敢偃蹇作傲也自放田野杜
門引過嚴

天威耳臺下諭以家政則民平日不督教之過今日事發殆非家政可治家政教治格虜不給使云耳如其跳梁圯壞不逞在居平亦唯藉託公府以為詔誡曰不率大者必送官重案如法送而不蒙理自此奴輩猖被如羊牧狼無復忌矣且又陵之作奸冒利犯科無罪人何不為為何不至冠紳之家門外事多不及聞民又跼伏山谷四五年何由追隨二三僮僕如保母以任無咎既往不知奸冒之有無或什百而幸一猶賴公府懲艾之政圖保

厥後發而不懲不如已猶有虎豹在山焉今民將
無顏以督家無說以儼齊是自窮之道也民今卧
不安枕矣臺下所存優恤之緝節民所懼縱釀之
大禍臺下貫之者今日之詐未成民慮之者後日
之漸不可長臺下推心為民一謀其長民實有恫
惻不得自己者馬服之母自劾顏峻之父別宅人
無有不愛其子計長而遜于禍也昔者潁水之歌
近者潯溪之變皆兆于廣心弛檢不自早督飭開
衛而卒沸如迄于不可挽今臺下見其端而民坊

其卒矣用是泥首灑血披陳肝膽私憂稽拜再進
下言語曰人無遠慮民則懼之記曰君子愛德惟
臺下圖焉臺諭云獄已處分所處者兩造之辭今
所進者民之辭也文即連綴情自兩行此奴首事
造謀矯虔亡行不軌之尤尤難曲法賞之是以
此為建鼓而招于眾及紛紛更起而懇于公府已晚
矣冒昧激切不知詮次摠唯台鑒皇悚死罪

壬寅

計三首

卷舒城張振傳門生書

去邑二十年趙人之思老不能忘故亦人情抑建
德之鄉注心繫不已已耶龍眠鹿起一二名山二
三君子酬對文談忽焉如昨徃之夢寐今之神遊
乎雖被閒放涉江遠遊固其故也為二子投抱擁
膝垂白翰憐出門阻難于何千里昨送錢太守較
飲執手與道舊遊停官舟移晷淚隨言下僕故四
海有情人雖在出世遣不此盡太守賢長者諸名
流蓋已在其耳中寧復勲遐使走尺書見屬示讀
雄文茂藻玄詣直當名下作者別來日上至此此

當速飛而三垂翼舒運氣常屬晚成如程子一往
三捷然亦齒不早矣蓋山川地脉然耶韓樸者三
上而售市琮璧者一出倍利如足下既雕既琢貴
器也出必僮父賈正爭識為奇何用傍之人標表
招搖以號而市乎然進趣自學士之火薦拔蓋周
行之常亦契舊之情也所有不盡如自盟何實念
好女不獻美玉不沽云士重亦僕不欲為景監王
稽之因而欲為楊得意馬德操游談子虛伏龍以
示無意必然而後遇合兩相重而三相善故不以

顯報足下應悉此意遠遺非士僕僕不帛不穀數
年矣不勞惠念如此一行脚可遍五嶽尚長婚嫁
期吾已過之更待完了猶須十五年僕坐室如囚
苦難久待江山之興常招人三二年或瓢杖禮玄
嶽訪峻嶺汎濫楚江則巢湖衣帶也或邀故人共
洗耳甚佳事可竚

上陳太守會議均田書

道民山林汗漫久矣小走奉壺刺追之錢唐江上
亟歸理衣冠不具不能趨侍下風陪議痛念差役

大事桑梓至情地方異變自有凶心何忍坐視思
輒兩淚要東南民力竭久矣由改糧為里三十年
來中家無不蕩破非始今日顧今日承其極弊又
畝衆為政下市推而上弄法遂至豪富詭隱而赤
貧攢陷民貧衆而富豪一呼千擁易聚難散風波
之性其勢使然狼狽決裂犯上侵下事可痛哭此
明府以公委圖正圖正以私市而累明府也非法
盡不善也就中清覈調停益其富汰其不足與衆
共之此屬反手易耳遲遲而持太甚遂激以至均

田均田甚善甚易實甚難也緣于不得已集于處
不得已則上懸怒處則下難知一不詳慎獎更百
出民恐後之視今猶今之視昨也如此亂無日矣
幕還舍見市傳言者三百畝一編均搭一畝半畝
無得空戶此或出恐喝謠語然而與人益恟恟矣
又聞今下日大戶花分詭寄如市待旦憂思欲陳
一蒞佐公議備採擇下以請百姓命仰以稱臺下
至意解絲濟患民死且不朽然民實無他言實不
易欲吐又如略具梗概耳夫均者平也公也必無

隱而後均必無析而後均必無多倖而後均必有
覈而後均必大通而均必稽于田外而均必差于
田內而均必定後定則千里之後而均謹列目為
八以呈上祭未敢下悉議迫而復多虞也記曰夫
民聞于人而有鄙心又曰上酌民言則下天上施
唯臺在宥死罪死罪

定優免

請如制加寬法兼仁而後可行

清詭寄

自清而人清之

攢花分

于統于父如細統目

擇公正

財而才而行而著清覈委之等差委之

正都岳

仲多統少

覈市籍

一贊二舍督之公正佐以甲排戶而稽

定田等

三百畝每百畝降一等三則專洒通融

免其貧十五畝以下者

註戶差

戶分為二差分為三

朱太復乙集卷之三十終